

همان مولای متعال حضرت نوری ذات معالی صفات جناب ظل الهی بی کمال تندرستی و عافیت
و مزید شان و شوکتیله تخت عالی بخت سلطنت عثمانیه در دوام بیورسون دعای واجب الاداسنی
ایضا ایله برابر من غیر حد عرض تبریکات اخلاص آیات ایدرز.

§

غزته من دونکی پنجشنبه کونی نشر ایدلمک معتاد اولدینی حالده بوکونک شرفنه حرمة و تبرکاً
تأخیر ایدلمشدر.

✽ خمس در ستایش ولی نعمت اعظام واقدس ✽

بر شرفی روزدر تقدیسه شایاندر بوکون خلق عالم سرتسر مسرور و فرحاندر بوکون
چهره لرده باقسه ک آثاری نمایاندر بوکون صائمه یکیم شاد آنجق نوع انساندر بوکون
ساکنان عالم بالاده شاداندر بوکون

§

اعتدالی گور هواده، گرمی فصل خزان عالمی ایلر ایکن بیزار و بی تاب و توان
هر طرف ویردی لایقده بهاراندن نشان شویله کسب ایتدی جهان فیض حیات جاودان
قطره باران یاغارسه آب حیواندر بوکون

§

کائنات اولمش اورتبه غرق انوار صفا بر بندن فرق اولنماز هیئت ارض و سما
متصل یردن چیقار، کوکدن یاغار نور وضیا شامی ده صبحی کبی اولسه عجبی روشنا
روز فیروز جلوس شاه دوراندر بوکون

§

شاه دوران حضرت عبدالحمید کامکار سلطنت ذات همایونیه ایلر اقتضار
بویله بر متبوع ایله اولمازمی امت بختیار زیب اورنک خلافت، شهریار باوقار
عزّ و اقبال و سعادتله جهاناندر بوکون

§

اول سپهر عدل و دادک آفتاب انوری تاجدارانک مدار فخری، اکیلل سری
ویردی رأیله جهان حکمته تاب و فری قلبی الهامه مقرر، ذهنی کرامت مصدري
عقل و دانش رأینه دل بسته، حیراندر بوکون

§

جودی بر دربار ایتشدر احاطه عالمی
موجه سی اغنایه کافیدر مؤبد آدمی
گنج پرویزه معادلدر عطای یکدمی
بذل واحسانی اونوتدردی سخای حاتم
وارسه بر صاحب کرم آنجق اوسلطاندر بوگون

§

مقصد شاهانه سی اعمار وتنظیم وبلاد
هرزمان اندیشه سی ترفیه احوال عباد
ملك وملت سیایه لطفنده هپ آباد وشاد
ایشته بر بویله شه دریا هم، عالی نژاد
تخت عثمانیده صاحب امر و فرماندر بوگون

§

دوریدر دور ترقی ککالات بشر
ایله سهك امعان ایله بر کره اطرافه نظر
پیش چشمگده اولور پیدانیجه عالی اثر
ایشته مکتبلردر آنلر کیم معارف نشر ایدر
اك كوچك بر مملكت بر دار عرفاندر بوگون

§

بحث اجرا آتی قیاسهم نه رتبه مختصر
هرنه گونه قصد ایجاز ایتش اولسه كاك تر
عجز ایله اولق مقرردرینه اشکسته سر
گوز اوکننده بونجه آثارگزین ومعتبر
همت شاهانه سن اثباته برهاندر بوگون

§

حق تعالی تخت اجلانده قیلسون مستدام
ملکنی معمور، اعداسن رهین انهمزام
دولتنده خلق عالم ایله سون عید مدام
تأملحشر فخر ایدوب عالم دیسون هر صبح وشام:
پادشاهم حضرت عبدالحمید خاندن بوگون

